

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der ander Theyl der Newlich erfundenen Landtschafft Americae von dreyen Schiffahrten, so die Frantzosen in Floridam (die gegen Nidergang gelegen) gethan

Le Moyne de Morgues, Jacques

Franckfort a. M., 1591

VD16 L 1138

XII. Wie der König Utina

urn:nbn:de:bsz:31-88693

Wie der König Utina / wann er sein XII. Heer wider den Feind außführt/ ein Zauberer rahtfragt.



Als der Herr Laudonniere etliche Unterthanen des Königs Holata Utina oder Outina, so ont
 zesehr 40. Weil vom Schloß der Frankosen/ gegen Mittag/ wohnt/ vffgenommen hatt/ welche im vorigen Krieg
 von Saurioua/ seinem Feindt gefangen worden/ schickt er sie ihrem König wider zu: Welche/ nach dem sie einen
 Bundt mit jm gemacht/ auch zusagten/ das sie gute Freunde bleiben wolten. Dieser Bundt aber ward darumb
 auffgericht/ weil durch dis Königs Gebiet/ allein zu Land/ vnd das Wasser vffwärts/ man den Pafz zum Gebürg Apalatey,
 darin viel Gold/ Silber vnd Erz wechset/ haben köndt/ auff das die Frankosen/ wegen dis Königs Freundschaft (welche kum
 ein jar währt) desto sicherer zu disem Gebürg kömten möchten. Als diese Freundschaft noch währt/ begert er vom Herrn Lau-
 donniere etlich Hackenschützen/ sintemal er ein Krieg wider sein Feind fürzunehmen gesinnet: Daruff jm der Herr Lau-
 donniere durch Herrn Ortigni/ seinen Leutenampt zc. zugeschickt. Da die ankömen/ hat sie der König mit freuden empfangen/
 der gänzlich zuversicht/ das er nu den Sieg wider seine Feinde erhalten würde: Sintemal im ganzen Land von den Büch-
 sen ein solch Geschrey erschollen/ das sie darab sehr erschrocken waren. Da nun der König ganz zum Anzug fertig/ zogen sie
 fort/ vnd haben den ersten Tag ein guten Weg gehabt/ den andern aber/ wegen der sumpffigen örter/ so voll Dörner vnd Ges-
 sträuch waren/ ein gar mühseligen Weg/ deswegen die Indianer die Frankosen tragen mußten/ das jnen denn/ wegen grosser
 Müd/ sehr wol bekam/ sind also endlich an der Feinde Gränz kömten. Alda der König/ als er sein Heer still zu halten befohlen/
 ein Zauberer/ vber die 120. Jar alt/ zu sich beruffen/ vnd jm befohlen/ das er ihm der Feinde Gelegenheit anzeigte: Daruff
 der Zauberer in mitten des Heers jm ein Platz gemacht/ in dem er den Schild des Herrn Ortigni/ den sein Schiltzung trug/
 ersahen/ begert er/ das man jm den geben wolt/ so bald er jm bekame/ legt er jm auff die Erden/ machte vmb den ein Cirkel/ fünf
 Schuh weit/ vnd neben heromb etliche Buchstaben vnd Zeichen/ darnach kniet er vff den Schild/ vnd sah vff seine Fersen nis-
 der/ also/ das er das Erdreich nieregend berührt/ vnd weyß nit was/ prumlet/ treib mancherley Geberde/ als ob er ein ganz ernst-
 liches Gebet thet: Welcher/ als ers einer viertel stund lang angetrieben/ erschrocklich anzusehen ward/ das er kein Menschen
 mehr gleichet/ Dann er alle seine Glieder dermassen wandte/ das man frey horte/ wie die Knochen auß einander giengen. In
 summa/ er thet vil vnnatürlichs. Da dis vollbracht/ ward er wider wie vor/ do. h ganz matt/ vnd als erschrocken: Daruff er auß
 dem Cirkel gangen/ den König begrüßet/ vnd jm angezeigt/ wie stark die Feinde/ vnd an welchem ort sie seiner warteten.



Und so
wie die
Herold
ziehen/
mehr.
abgefo
geffen /

Landschaft
Karte